



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM

Komisija za finansije i budžet

Broj: 01/4-011-870/02

Sarajevo, 31. jula 2002.godine.

Z A P I S N I K

**sa 32. sjednice Komisije za finansije i budžet Predstavničkog doma
Parlamentarne skupštine Bosne i Hercegovine,
održane 31. jula 2002.godine**

Sjednica je počela u 13 sati.

Sjednicom je predsjedavala Emina Začiragić, predsjedavajući Komisije.

Sjednici su prisustvovali: Ramiz Vilić, Salih Kulenović, Dragi Stanimirović,
Zdenko Vukić, Mirko Baković.

Odsustvo opravdao Boro Bjelobrk.

Sjednici nisu prisustvovali Tihomir Gligorić. Ljubomir Kovačević.

Sjednici su prisustvovali: Sakib Softić, pravni savjetnik u Predsjedništvu BiH,
Jadranko Prlić zamjenik ministra za vanjsku trgovinu i ekonomske odnose, ispred
Ministarstva civilnih poslova i komunikacija - Projekt CIPS Anton Rill i Mirko Škrbić,
Savo Kojić, savjetnik ministra civilnih poslova i komunikacija, Goran Miletić, generalni
revizor i Samir Mušović zamjenik generalnog revizora Ureda za reviziju finansijskog
poslovanja institucija BiH.

Za sjednicu Komisije je predložen i jednoglasno usvojen sljedeći

D N E V N I R E D

1. Pitanje specijalne revizije za projekt CIPS na inicijativu predsjedavajućeg
Predsjedništva BiH i na zahtjev grafičkih radnika BiH
2. Razmatranje zakona o izmjeni Zakona o industrijskom vlasništvu BiH
3. Tekuća pitanja.

Ad-1.

**Pitanje specijalne revizije za projekt CIPS na inicijativu
predsjedavajućeg Predsjedništva BiH i na zahtjev grafičkih radnika BiH**

Predsjedavajućem Komisije za finansije i budžet i predsjedavajućem Predstavničkog doma Parlamentarne skupštine BiH upućen je dopis od predsjedavajućeg Predsjedništva BiH Beriza Belkića s zahtjevom da se na osnovu odredbi Zakona o reviziji finansijskog poslovanja institucija BiH angažuju.

U svom dopisu predsjedavajući Predsjedništva BiH poziva se na zahtjev Sindikata grafičkih radnika BiH od 17.7. 2002. godine u vezi okolnosti pod kojima su izvedeni Projekti CIPS, štampanje udžbenika, raznih obrazaca s posebnim osvrtom na javnu nabavku, odnosno štampanje glasačkih listića, te predlaže da se pokrene procedura specijalne revizije ovih javnih nabavki.

Na osnovu dopisa predsjedavajućeg Doma prosljeđenog kao nadležnoj Komisiji, a temeljeći svoju nadležnost na članu 31. stav 2. Zakona o reviziji finansijskog poslovanja institucija BiH ("Službeni glasnik BiH", broj 17/99), zakazana je 32. sjednica Komisije za finansije i budžet.

U uvodnom izlaganju predsjedavajući Komisije naglasila je da je članom 31. stav 2. Zakona o reviziji finansijskog poslovanja institucija BiH dato ovlaštenje ovoj Komisiji da prikuplja sve informacije iz Poglavlja V Zakona, a koje se odnosi na ovlaštenje na prikupljanje informacija. Skrenuta je pažnja i na član 16. Zakona o reviziji finansijskog poslovanja institucija BiH prema kome generalni revizor može u bilo koje vrijeme izvršiti specijalne revizije na zahtjev Parlamentarne skupštine BiH ili na specifičan način dotične institucije.

Kako Komisija nije imala ovlaštenje da odlučuje o pitanju specijalne revizije, nego samo o prikupljanju informacija, djelokrug Komisije tekao je u okviru njenog ovlaštenja.

Predstavnici Predsjedništva BiH, Ministarstva civilnih poslova i komunikacija i Ureda za reviziju finansijskog poslovanja institucija BiH iznijeli su svoje stavove.

Predstavnik Predsjedništva BiH ostao je kod inicijative date u dopisu, a predatavnicu Ministarstva civilnih poslova i komunikacija obrazložili su sve važne elemente projekta CIPS, posebno naglašavajući da je Vijeću ministara BiH upućen opširan izvještaj o tom projektu.

Predstavnici Ureda za reviziju istakli su da nije u njihovoj nadležnosti prikupljanje informacija u ime Komisije, te da se to kosi sa njihovim standardima.

U raspravi su učestvovali: Emina Zaćiragić, Ramiz Vilić, Mirko Baković, Dragi Stanimirović Zdenko Vukić.

Mirko Baković istakao je da bi se trebalo voditi računa kod štampanja materijala, zaštititi interes države i građana, a ostalo je stvar tehničke prirode. Država BiH treba imati tehničku aparaturu da ne ovisi od inozemstva.

Dragi Stanimirović je mišljenja da je afera pokrenuta u štampi iz političkih razloga.

Generalni revizor je istakao da je javnost o Projektu CIPS loše informirana i da Ured može obaviti specijalnu reviziju na osnovu člana 13, a) b) i c) i člana 16. Zakona o reviziji finansijskog poslovanja.

Salih Kulenović je predložio da se iznađe kompromis i pokuša u nekim dijelovima projekta uključiti domaći resursi.

Kroz dužu raspravu i diskusiju svih prisutnih članova, Komisija je mišljenja da se dostavi Izvještaj na nadležnost Predstavničkom domu Parlamentarne skupštine BiH na osnovu člana 16. Zakon o reviziji finansijskog poslovanja institucija BiH. U izvještaju ukazati da je Predstavnički dom prihvatio Izvještaje Komisije na 14. sjednici Doma, održanoj 9.10.2001. godine i na 23. sjednici Doma, održanoj 14. 4. 2002. godine Komisija u kojima su data mišljenja i prijedlozi Domu povodom

Izveštaja Ureda za reviziju. Predloženo je da Predstavnički dom obaveže Vijeće ministara BiH da u određenom roku pripremi i predloži na usvajanje Parlamentarnoj skupštini BiH sve propise iz oblasti računovodstva, nabavke robe i usluga i ostalih propisa iz oblasti finansija,

Konstatovano je da do sada nije donesen nijeda propis iz ovih oblasti, i za to ne postoji opravdanje.

Mišljenje Komisije dato je jednoglasno.

Zaključeno je da se uputi dopis MCPK i Izornoj komisiji BiH u pravcu dostavljanja svih relevantnih informacija u vezi porvođenja kompletne procedure Projekta CIPS, s posebnim osvrtom na rarisivanje tendera; prikupljanja najpovoljnijih ponuda; izbor najpovoljnijeg ponuđača i sklapanje ugovora s najpovoljnijim ponuđače. Dostavljanje istih informacija odnosi se i na štampanje glasačkih listića.

Ad-2. Razmatranje Zakona o izmjeni zakona o industrijskom vlasništvu BiH

Nacrt Zakona o izmjeni Zakona o industrijskom vlasništvu Bosne i Hercegovine Vijeće ministara BiH dostavilo je u parlamentarnu proceduru 11.4.2002. godine.

Kolegij Predstavničkog doma je na sjednici održanoj 16.4.2002. godine kao nadležnu Komisiju odredio Komisiju za finansije i budžet i dostavio Zakon.

Ustavno-pravna komisija Predstavničkog doma razmartala je Zakon i dostavila mišljenje 24.4.2002. godine da postoji valjan ustavno-pravni osnov za donošenje Zakona o izmjeni Zakona o industrijskom vlasništvu Bosne i Hercegovine.

Na 29. sjednici Komisije održanoj 22.5.2002. godine trebao se razmatrati navedeni Zakon, ali radi neprisustvovanja sjednici članova Vijeća ministara BiH, većinom glasova je odlučeno da se Zakon ne razmatra.

Na ponovnoj sjednici postupak u Komisiji počeo je opštom raspravom o principima Zakona.


Nakon obavljene opšte rasprave glasalo se o principima predloženog Zakona.

Komisija je konstatovala da na predloženi tekst Zakona nije bilo amnadmana, te je mišljenja da je neophodno donijeti Zakon o izmjeni Zakona o industrijskom vlasništvu Bosne i Hercegovine. Predložiti će Predstavničkom domu da usvoji Zakon o izmjeni Zakona o industrijskom vlasništvu Bosne i Hercegovine

Sjednica je završila u 16:00 sati.

Zapisnik sačinila

Emira Češljarić



Predsjedavajući Komisije

Emina Začiragić

